

DEO OPTIMO MAXIMO VNI ET TRINO VIRGINIQUE DEIPARÆ.

ET SANCTO LVCÆ ORTHODOXORVM MEDICORVM PATRONO.

QVÆSTIO MEDICA, CARDINALITIIS DISPUTATIONIBVS MANE DISCVTIENDA IN SCHOLIS MEDICORVM DIE IOVIS XXVII. MARTII, M. MATHVRINO ALTON Doctore Medico moderatore.

An senibus calidus, humidusque victus?

896

DIETAM sanorum & ægrorum præcipuam curam is rectè & conuenienter instituet, qui singulorum naturæ, ætati, & consuetudini proprias ac certas viuendi leges accommodabit. Sanitas exquisita primarum qualitarum, & principiorum vitæ temperies, atque complexio, quamuis similibus conferretur, morbus eorundem dylerasia contrariis abigatur, & castigetur, non est tamen similis vbique seruandi, vel abigendi ratio: morbus quippe *μάλιστα* est fatique *καὶ δόλος* non omnis omnem pari contrarietate naturam afficit: nec sanitatis vnica est sibi que perpetuè constans idea: non enim singulorum duntaxat diuersa est iuxta temperiem, compagem, acindolem naturæ, sed vnus & eiusdem hominis varia maximè que dissimilis exiit penes ætatem conditio. Hæc non annorum numero, nec scantilli eorundem lege vnusculiusque fors, sed insigni temperamenti mutatione venit æstimanda. Ipsam vero morum, & humorum, vitæ, & necis conuersionem non ea tantum quæ nos assidue circumstant incommoda quæ sunt plurima, sed quæ nobis ingenerata, & ab ortu tradita fatali quadam lege secum inuehunt: ita quæ sunt ortus primordiale eadem interitus sunt efficientes causæ, vnde vita, illinc summa perniciës sæpius excitatur. Insitus quippe calor dum sensim, & sine sensu humor è primigenium sui pabulum depascitur, & absuimit, idem macrecit tempore decursu sponte deficit, sic qui lædit læditur ipse. Hæc calidi in frigidum humidi in sicum progrefsi vitæ limites, & idoneas culibet viuendi leges præscribit.

VITÆ spatium non eadem meta conficit, senibus, ocyùs, quisque hanc attingit. Caloris in humido pertransione æui diuturnitas definitur, ad quam non tam humoris ybertas quàm eius lentor & visciditas conducit: huius irreparabiliter effluentis copia nunquam parit excessum, imò ad sanorum *εὐεχίαν* senisque moram confert. Citò & præmaturè deficiens velut iis qui naturà, & insituito vitæ sunt siciores senectutis canos non annos accelerat. Perperam atates vitæ discriminat qui quatuor temperamentorum coniugationibus proportionem quadam ipsas assimilât: edax quippe calor à modo variè deflens plures, nec indiuiduas suis insignitastemperamentis, propriisque tum morbis tum symptomatis affectas ætates constituit, sic adolescentia, quæ infantiam & pubertatem in se continet, caloris humorisque copia luxurians ad vigesimum vsque annum producta suo merito paucos nec ægrè solubiles patitur affectus. Calidior sicciorque iuuentus ad quadragesimum vsque annum excurrens tam suo quàm diatæ vitio morborum quamplurimum est feracissima, quibus succedens constans ætas sui vbique ferme similis ac temperata quinquagesimum vix excedens annum (quæ sedato humorum organo refrænatique animi motibus tranquillior facta minisæuientes morbos faciliusque profligandos experitur. Hanc proximè sequitur senectus, quæ cæteris frigidior sicciorque morbus exiit, postremâ sui parte potissimum quæ vitam claudit, quæ est *τὴν περὶ τὴν αἰσθητικὴν* & capulanium, sicut prima *τὴν αἰσθητικὴν*: vtrique cura medici & diatæ patrocinio indigent vt struētas senili marcori mortis insidias præcauant.

ÆTATVM igitur aliz aliis vt sunt affectibus obnoxia, sic quoque ad alias regiones, tempestates, victusque rationes & instituta facilius comparantur. Non enim agentis causæ vis duntaxat, sed expipientis materiz opportunitas plurimum valet ad morborum procreationem, incrementum & solutionem. Acuti sæpius & grauius iuuenes exercent, vnde horum pauci veniunt ad senectutem: diuturni senibus vt plurimum commoriantur & cum his desinunt: aliarum siquidem ætatum incommoda, quæ non diatæ vitio, sed suo merito nascuntur sequentium accessione finiuntur. Puerorum epilepsia his quàm cæteris minus grauis & insensa, & virginum sædi colores amoris insani certi nusquam indices pubertatis excessu propter natui caloris antea sopiti & iam vigentes *ἐκφυγόντες* fugantur. Ipsa quòque senectus quorundam morborum discessionem & solutionem affert, quorum tamen non tam demit vitium quàm mutat in iuuentute alius astrictior affectus ætate non sine damno laxatur, & soluitur. Sola sibi cognatis & congenitis affectibus opem, & subsidium aliunde non expectat ingrauescens ac in peius ruens ætas senilis: renum & vesicæ dolores in ea vix sanantur, tussis & catharri ægrè vel nullo modo concoquuntur; non tamen frustra arti se committit, imò maiore opus habet artificis industriâ, quo lethi fatique viciniorem si homo bulla eò magis senex. Ars quippe *γυμναστική* senij dolores, & tædia demulcendo acingruentes vnde cunque morborum causas arcendo inualidum senem minus querulum reddit, extremumque marcorem conuenientibus auxiliis retardat.

AFFECTVVM, qui senes malè habent nullus senio grauior, tam est ineluctabile quàm intemperies frigida calidæ succedens est immedicabilis. Naturalis enim est marcor quem ars senum tutrix non sanat, sed cuius celeritatem coeret & annos producit: hunc accelerant sanguinis & humorum penuria, quibus desinitur sensim sed inæqualiter solidæ corporis partes tandem æquali marcore contabescunt: nusquam magis integra senectus quam dum eruda & viridis humoris copia redundat. Culibet marcori communis siccitas cum arteriæ duritie, & pulsus obscuritate iuncta quæ caloris vel frigoris accessione curationis scopos immutat. Tam ex natura quàm ex morbo senium, quia febris expers calidioribus opus habet fomentis quæ extinctum pene vitalis principii calorem & resolutam ferme singularum partium vim excitent. Vtrique meracioris vini & mulsæ potus, nec non calidæ lotio fouendo tum etiam rigando confert. Eadem *θερμότης* *μαλακίας* penitus auersatur, cui prohibendo frigida liberalis haustus & balneum conducunt. Omnis morbofa senum dispositio ætatis affectu vitio comparata frigida temperaturæ tribuenda, quæ cruditis feri succrescentis & concretionis humorum parens senile corpus aggrauat, & cutis perspiracula constringit: hæc procul arcebis si modico victu, sed lauso senes reficias, calidioribusque prædiis apio, melle, constrictos meatus aperias.

SICCITATEM verò naturalem, extremumque squallorem, quem in plantis *δυσανθία* dicunt, alteram *ἢ τὴν φύσιν ἢ τὴν ἀνάγκην* inuitabilem fati causam humidiora castigant, vel retardant alimenta, Ipsa quippe cum sint imbecilla leuioræque, quia nec dura nimium nec alienis qualitatibus vitæ principijs aduersa, sed languenti senum virtuti maximè consocialia concoquuntur facillè, promptè digeruntur, perfectius assimilantur, & quæ supersunt ab his inutilia pauca egeruntur citissimè. Quantò potius liquidiorque cibis languentium vires deperditas citius instaurat, tantò senes exhausti, & extincti calidioribus, & humidioribus indigent alimentis: & quia ægrè qualitatibus afficiuntur, nisi ex nimia iis accident, condimentis, sale potissimum, & pipere modico senum edulia permiscenda, quæ pueris, & iunioribus aquè sunt fugienda. Sicciior senum & conualescentium alius non cathartici, acrioribusque medicamentis irritanda, sed mellitis & emollientibus subducenda, quies illis exercitatione potior esse debet præter eam quæ frictione mediocri, inambulatione, & gestatione perficitur. Venus quouis tempore, quaque mensurâ semper inimica senibus quibus oleo rigata corporis superficies, & de prandio somnus, cæteris valde noxiis, ad *ἀνάγκην*, & virium instauracionem summo per profunt. Ex vitæ subsidij quæ sunt plurima oua tremula, altilium & auicularum carnes, pisces quòque saxatiles, & qui in alto mari degunt perennem effluentis substantiæ iacturam citissimè relasciunt. Inter liquida lac plurimum alit citòque alteratur *γαλακτοφάνης* senibus quibus dudum est familiare magis accommodatum *τὴν γὰρ εὐχρηστικὴν τὴν μὲν ἄλυσιν δυνάμειν τῆς ἰσχυρῆς ἀπορροῆς ἀποτρίβειν ἔστιν*.

Senibus ergo calidus, humidusque victus.

F.M.P.
BIBLIOTHECA

Proponerebat Lutetia IOANNES COVSIN Parisinus. A.R.S.H.M.DC.XLII.